

5. LIGA 1ª DIVISIÓN AUTONÓMICA FEMININA

5.1. EQUIPOS PARTICIPANTES

Este grupo estará formado por 18 equipos da comunidade autónoma galega e que serán os seguintes:

- Equipos descendidos da Primeira División Feminina da tempada anterior.
- Equipos que manteñen a categoría.
- Os equipos que obtiveran praza na Fase de Ascenso da tempada 2020-21.

5.1. DATA DE INSCRICIÓN DE EQUIPOS

Data tope de inscrición: 3 de agosto ás 13.00 horas.

Todos os equipos que se inscriban nesta categoría, deberán ter inscrito ou vinculado un equipo Júnior Feminino.

5.3. XOGADORAS

A data límite para dar de alta a xogadoras nesta categoría será a do 26 de febreiro do 2021. O número de licenzas para esta categoría será dun mínimo de 8 e dun máximo de 12.

5.4. ARBITRAXES

As arbitaxes serán AUTONÓMICAS.

5.5. FORMA DE XOGO

Primeira Fase:

Os 18 equipos dividiranse en tres grupos de seis cada un (Norte, Centro e Sur) distribuídos por proximidade xeográfica (10 xornadas).

Segunda Fase:

Os equipos clasificados do 1º ao 2º e os dos mellores 3º de cada un dos grupos formarán dous grupos (A-1 e A-2) de catro equipos cada un e xogarán polo título, e os clasificados do 5º ao 6º e o peor 3º conformará outros dous grupos de cinco equipos (B-1 e B-2) e xogarán polo descenso.

O formato de competición será liga regular. A composición dos grupos será a seguinte:

Grupo A-1

1º Grupo Norte
1º Grupo Centro
2º Grupo Sur
2º Mellor 3º

Grupo A-2

1º Grupo Sur
2º Grupo Norte
2º Grupo Centro
3º Mellor 3º

Grupo B-1

3º
4º Grupo Norte
5º Grupo Sur
5º Grupo Centro
6º Grupo Norte

Grupo B-2

4º Grupo Sur
4º Grupo Centro
5º Grupo Norte
6º Grupo Sur
6º Grupo Centro

Fase Final 09/05/21

A Fase final a disputarán os dous primeiros equipos clasificados do A-1 e A-2 no mesmo día e 2 xogarán polo título de liga e os perdedores por 3º e 4º posto da liga.

1º Grupo A-1	- 2º Grupo A-2	1 (Semifinais)
1º Grupo A-2	- 2º Grupo A-1	2 (Semifinais)
Perdedor 1	- Perdedor 2	(3º-4º posto)
Gañador 1	- Gañador 2	(1º-2º posto)

O equipo camión conseguirá o ascenso a 1ª Feminina

Clasificación Final

A Fase Final A, establecerá os 2 primeiros clasificados da competición sendo a 1º o que ostentará o título de Campión Galego.

Do 5º o 18º establecerase segundo a clasificación da Liga regular.

Para establecer a clasificación segundo a suma das dúas fases terase en conta os seguintes criterios:

- 1º.- O equipo co mellor orde clasificatorio no seu grupo.
- 2º.- O equipo co maior número de vitorias.
- 3º.- O equipo coa maior diferenza xeral de tantos a favor e en contra.

- 4º.- O equipo coa maior cociente xeral de tantos a favor e en contra.
- 5º.- O equipo con máis tantos anotados.
- 6º.- O equipo con máis tantos anotados como visitante.

Para designar as sedes destas Fases a FGB a través do seu Comité de Actividades emitirá unha circular para a organización das mesmas.

5.6. ASCENSOS E DESCENSOS

Ascenderá a 1ª División Feminina Grupo "A" o equipo clasificado no 1º posto.

Descenderán á Liga de 2ª División Sénior Feminina os equipos clasificados nos postos 6º dos grupos B-1 e B-2, así como o equipo clasificado en 5º lugar, se descendese un equipo máis dos dous estipulados de 1ª División Feminina e así sucesivamente, se os descendidos fosen 2 ou máis.

Se unha vez iniciada a competición se retirase algún equipo ou fose descualificado pola FGB, a vacante cubrirase cunha das prazas de descenso.

5.7. DATAS DE XOGO

Fins de semana correspondentes ás seguintes datas:

Novembro: 1, 8, 15, 22, 29

Decembro: 13, 20

Xaneiro: 17, 24, 31

Febreiro: 7, 21, 28

Marzo: 7, 14, 21, 28

Abril: 11, 18, 25

Final A4: 9 Maio

5.8. DATAS DE SORTEOS

Sorteo Liga: 19 de outubro, ás 18.30 horas, na sé central da FGB.

Sorteo Segunda Fase: 1 de febreiro ás 17.00 hrs na sé central da FGB.

5.9. HORARIO DE XOGO

Os encontros terán que disputarse nos seguintes horarios:

Sábados: 16.00, 18.00 e 20.00 horas e domingos: 10.00, 12.00 horas, 17.00 h ou 19:00 h. Autorízase a ampliar a banda horaria para a disputa de partidos os sábados ata as 20:30 hrs como horario de inicio.

Sempre que o equipo local estableza como horario de xogo as 10.00 e o equipo visitante así o requira terá que fixarse como horario de xogo o sábado ás 16.00, 18.00 ou 20.00, e domingo 12.00, 17.00 ou 19.00 horas, sempre que o equipo que se despraza o faga dende máis de 100 km de distancia , previa solicitude por escrito con, polo menos, 7 días de antelación.

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB a cota de 100 € e a conformidade do equipo contrario.

Modificacións de data, campo ou horario:

Obxecto Modificación	Prazo Recepción	Conformidade	Cota
Data	Máis de 1 mes	Si	00,00
Campo	Máis de 1 mes	Non	00,00
Hora	Máis de 1 mes	Non	00,00
Data	Máis de 15 días	Si	00,00
Campo	Máis de 15 días	Non	00,00
Hora	Máis de 15 días	Si	00,00
Data	Máis de 9 días	Si	75,00
Campo	Máis de 9 días	Si	75,00
Hora	Máis de 9 días	Si	75,00

5.10. TERREO DE XOGO

Cada club participante deberá contar cun terreo de xogo oficial, cuberto e pechado, o cal non poderá variar en toda a tempada. Neste terreo de xogo disputaranse os seus encontros e deberá estar catalogado como NIVEL 1 dentro da Normativa de Terreos de Xogo. Non se admitirán en competicións aqueles equipos que na súa folla de inscrición non o fagan constar.

Nos encontros nos que participen equipos que realicen desprazamentos e no caso de suspensión do mesmo por inclemencia atmosférica ou por calquera

outra causa, este deberá celebrarse, obrigatoriamente, dentro das dúas horas seguintes á marcada para o seu comezo.

Así mesmo, se un club ofrece como cancha reserva unha cuberta e pechada de Nivel 1 para casos de inclemencia atmosférica, o partido deberá disputarse

dentro do prazo sinalado anteriormente. Se finalmente, e por falta de previsión do equipo local, tivese que suspenderse definitivamente o encontro, o equipo local perderá este, sen descontárselle puntos na clasificación e sen que se considere incomparecencia.

A FGB recoméndalles a todos os clubs que sexan propietarios de terreos de xogo cubertos e pechados que, dentro das súas posibilidades, empreguen nestes canastras de pé, así como que teñan reposto de taboleiros para o caso de rotura accidental.

Os clubs deberán cumprir as prescricións previstas pola lexislación vixente no referente á prevención da Violencia nos Espectáculos Deportivos e serán os responsables da seguridade de xogadores/as e árbitros no que respecta ás instalacións deportivas, poñendo os medios necesarios para evitar accidentes extradeportivos no transcurso da actividade.

5.11. BALÓN OFICIAL DE XOGO

O balón oficial de xogo para esta categoría será de coiro da marca MOLTEN feminino. Non empregar o balón oficial levará consigo a sanción prevista no regulamento disciplinario.

5.12. OBRIGAS ESPECÍFICAS

• COMUNICACIÓN DE RESULTADOS

O árbitro principal está obrigado a introducir o resultado o mesmo día do encontro na oficina Web.

5.13. RECOMENDACIÓNS

• Recoméndase a todos os clubs que fagan constar no dorso da camiseta de cada xogadora o seu nome en caracteres de cinco centímetros.

5.14 FASE DE ASCENSO A 1ª AUTONÓMICA FEMININA.

Participarán todos os equipos que se inscriban antes do 1 de setembro ás 13.00 horas. No caso de que houberse equipos con dereito a praza na 1ª división autonómica e non se inscribisen no prazo regulamentario estas prazas engadiranse ás primitivamente asignadas á Fase de Ascenso.

O Comité de Actividades, en base ás inscricións recibidas deseñará un sistema de competición no que se clasificarán dous equipos para disputar a Liga de 1ª División Autonómica Feminina.

DATAS DO SORTEO E XOGO

Data de sorteo: 2 setembro ás 12.30 horas.

Datas de xogo (poderanse fixar como dobres xornadas)

Setembro: 20, 27

Outubro: 4, 11, 18.